

宋詩紀事補遺

宋詩紀事補遺卷之七十七

歸安陸心源伯剛父輯

徐木潤

金華人咸清進士

題忠愍公送婿邢得昭歸婺女詩後

中軍歎韓甥去潮州喜湘姪來欲識邢郎高誼但看
鄭老餞詩

小人護局可畏君子得與常遲老秦歿已一歲胡李
方始量移

準用於丁殞後瓘亡在京死前惜是蒼生無福北山

宋詩十七
不待隆乾

仲方主和忝祖知孝朋奸辱先卻
是北山有後可軒
論奏凜然

題忠愍公墓誌後

初心直欲復關河保蜀功勞不自多
諸葛大名垂宇

宙北山千古共巍峩

北山文集題跋

題劉敞書南華秋水篇

不識劉公字今方覩一斑筆兼歐蔡體品在上中間

書畫
彙攷

趙渥

西充人咸淳進士

泚溪橋

油井小聚泚溪之濱夏秋雨集溝澮皆盈眾水所匯
實病於行誰作斯橋雁君守真甯瘠一已而利他人
此心與橋爲世通津我觀地水如車轉輪陵谷變遷
成毀有因橋不足恃所恃者仁仁者之心與石不磷
矢我銘詩刻此堅珉

西充縣志

倪文一

字元芳福安人咸淳間進士安仁尉峒蠻竊發
文一單騎撫之再授潮州

讞疑獄民

以無寃陞清流縣元兵南下世祖徵之不起隱居以壽終

隱居

編籬已種淵明菊鑿沼還栽茂叔蓮

福甯府志

全閩詩話文一咸淳間由進士知清流縣元兵南下遂隱居山林世祖徵之不起嘗作詩云云

梁泰來

字伯大宣平人宋咸淳進士待選臨安元兵南下歸隱龜山植菊於庭以淵明白況號菊平子詩文甚富坦川戴叔琳撰序

龜山亦好軒

人在遠堂山下居家有遠堂堂上書階苔簾草意自
如有書可讀山下廬人於富貴不肯足我於貧賤樂
有餘相逢休問我何好亦有好處人未知一池斗大
泉可掬一波掌平數叢菊菊吾金泉吾玉何用封侯
萬鍾粟君不見孔門樂處無日無疏食飲水肱常曲

題周坦戴氏桂林池館

地偏不受點塵侵日涉園亭得趣深竹外移梅曾闕
徑月中分桂定成林雲山環碧醉人眼池水激泓鑒
此心淨几明窗瀟灑儘時携好客一凭臨

宣平
縣志

章彬

字□□吳人宋咸淳間福州進士陳嘉言字帝
俞號書隱先生以對策忤賈似道斥爲乙榜授
建州司戶嘗畜黃鶴白鵬出入與俱銜書往來
景炎丙子元師入建州書隱遂歸福州福州去
建州千里而遙而二禽傳命不間晨夕時彬避
地建州慕書隱之風託詩以交一日書隱待月
江上忽白鵬至得詩云云於是遂結神交相與
二十餘年彼此不識面見晉安逸志

白鵬詩

草暖蘋香月上遲白鵬黃鶴往來時雲山隔斷一千

里日日相過人不知

元詩選

孫素

字少初豐城人咸淳末試進士不第清江皮潛刻其詩文以傳吳草廬序之

徐孺子讀書臺分得高字

吾愛徐聘君沈冥乃人豪諸賢搆黨禍皎皎雲鴻毛
平生讀何書身隱名難逃故宅照湖水荒墳翳城蒿
焉知此山中突兀書堂高

胡文定墨池分得風字

吾愛胡夫子抱道來逃空豈伊桃花源有此山泉蒙
奏疏瀝肝膽春秋開盲聾當年起草處想見臨池工
願爲池上草永懷君子風

豐城縣志

林霆龍

一作雷龍字伯雨福建仙遊人宋咸淳鄉薦官
興化通判著有春山集

送徐殿院回鄉

三十年來人委靡如今勁節似秋橫三條鯁亮爲時
重一葉翩翮去國輕莘老不還司諫職廖公應顯出
臺名遐衝尙賴精神折未許林泉得隱聲

截江網

李大同

嘉魚人咸淳中目周禮舉第一授國子學錄未
幾歸隱不出時人謂其意氣如晴天片雲胸次
猶紅爐點雪器度若黃鐘大呂節概似翠竹蒼
松

句 卻勝

曾上蓬萊第一峯夕陽留住且從容

湖北詩
徵傳畧

邵定翁

淳安人咸淳中解試

十禽吟呈魯明府

歸去樂

歸去樂歸去樂山上山花紅灼灼山下山酒香漠漠
折花自插還自酌說渠萬貫揚州鶴樂莫樂兮此一
歸禽知我知淵明知三者之外知者誰勸君緘吻藏
高枝

麥飯熟

麥飯熟兒莫哭阿爺搗麥麥煮粥煨一蝦配麥粥飽
兒腹去年春梢鋪麥田馳兒走竄青山顛歸來破竈
無晨烟兒孩不知今歲强牀頭貳釜又一囊儉惜可
補兩月糧老夫展拜妻燒香謝蒼蒼

插田

明朝蚤蚤起插田東方未明雲漫漫阿婆拊床呼阿
三阿三莫學阿五眠汝起□火燒破鎗麥飯雜菽炮
鶩羹邱嫂拔秧哥去耕田家何待春禽勸一朝蚤起
一年飯飯蘿空愁殺儂

行不上也哥哥

青泥坡一坡高一坡毒蟒寄穴虎作窠風酸日黯雲
嵯峨抵死欲上將如何上頭莫有牡丹紫玉九袴帶
黃金千萬羅高堂阿婆雪皤皤妻炊屨屨顰翠蛾兒
懶失學歲月蹉縱得金玉喪已多山禽笑汝汝莫呵

行不上也哥哥

縑車

縑作縑作急急作東家煮繭玉滿鑊西家捲絲雪滿
雙汝家蠶遲猶未箔小滿已過棗花落夏葉食多銀
蠶薄待得女縑渠已着懶婦兒聽禽言一步落人後
百步輸人先秋風寒衣衫單

提胡盧

提胡盧既不掛于寂靜之邱墟又不浮之汗漫之江
湖又不持之騎龍雨入區胡爲喚人挈登酒壚桀紉
以烟莽其都李杜以風沙厥軀前人醉倒後人扶萬

世一醉何年甦矧今斗米抵斗珠方坊刊章禁私壺
杖頭有金何處沽何況杖頭金又無我瓦盆三年枯
借姑胡盧復我姑請姑提取湘江水去飲三閭楚大
夫

婆餅焦

婆餅焦罪在妾妾不能家家道缺冬裘不完夏糧絕
愁得鬢成雪朝看婆鬢兮眼滴血暮思婆鬢兮心刮
鐵草枯東風吹不活妾哀事姑無歲月行人誤聽賤
妾言謂鬢殊不然婆鬢不復玄偶焦一餅尚可煎別
煎好餅供婆殮餅焦自擇釘下盤留取來年補漏天

脫卻布袴

前年糴麥得疋布糠妻一衫儂兩袴去年縣公索澆
賦剝袴貰錢寄官庫一袴着穿兩膝露飡風爺孫浩
無數昨朝作勞汗如珠脫掛田頭老桑樹倉茫失收
紅日暮偷郎不惜持將去脫袴兒謝汝說老夫頗亦
知時節無奈吾袴無可脫

姑惡

姑惡姑惡姑不惡新婦惡不聞姑聲罵婦錯但聞婦
聲數姑虐汝夫汝夫汝所嚴汝姑又如天之天高高
在上胡可言縱有可言當自寬以天感天天自還姜

婦愈敬姑復憐胡憤而死魚龍淵至今諄語春風前
姑惡烏家私休與外人道道與外人人轉疑去婦何
嘗說姑好

呂望非熊

呂望非熊
伯與太公千千歲無此逢使伯蚤
而出獵兮公方沽酒之匆匆使伯遲而出獵兮公已
埋骨乎東海之東潦倒龍鍾齒割頭童誰知而韜畧
胸誰知而干戈功邂逅一笑蘆花中未語肝膈先玲
瓏望殺我家白頭翁我車轆轤公我同盍歸乎來造
我豐公亦當哀人命窮霜髯一掀許之從畢郢宰木

悲我風嗟嗟往事隨飛鴻宇宙飄忽未有終波濤洶
湧愁拍空鷗邊多少閒英雄黃馘著書釣夕紅夜半
夢起撻蛟龍豈不欲往烟霧重西山日斷無來蹤伯
之來兮民之福伯不來兮公何哭鱸魚肥蓴菜熟
邊居誼

湖北隨州人初事李庭芝積官至都統制咸淳
中守新城呂文煥引元兵攻破之不屈死事聞
贈利州觀察使

絕命詞

孤城高倚漢江秋血戰三年死未休鐵石肝腸忠義

膽精靈常向峴山留

湖北詩徵傳畧居誼初事李廷芝積功至都統善御下得士心元伯顏侵襄陽居誼夾江爲城以禦元兵主帥呂文煥至城下招之居誼引弓射中其右肩率所部死戰皆沒偕家孥赴火死賦絕命詞云云

史衛卿

字景靈鄞人浙漕發解進士

秋步述所見

趁晴收斷薪破曉循幽浦山寒樹欲風雲重天將雨
兔奔初種畦雞拾穫殘畝葉深樵無蹤水落魚可數
幽草不須生千林秋已素

捧檄家山

閒居愧未能淮模冷於冰家檄官無俸山吟客有僧
池荒眠鷺石樹折飲猿藤寥落誰相問孤明雨夜燈
漁父

白頭長是醉湖海不知年活業惟耕網全家祇住船
荷花同鷺宿楊柳得魚穿一笛吹明月朱門謾管絃
書里中所見

闌干十二纈簾遮獸棟鱗鱗鼎貴家莫道樓臺無地
起滿城秋色半槐花

所見

齊睂沈醉綺羅叢心事誰知付去鴻不惜千金留粉黛更無一語怨東風

有所見

不著畫羅金縷衣尋常打扮最相宜春風燕子樓前過飄落梨花雪一枝

以上江湖後集

傅定保

字季謨號古直晉江人咸淳中禮部奏賦第四至治中以平江路儒學教授致仕天厯中開奎章閣聘用儒雅學士蔣公薦之以老疾不可強起中止著有四書講藁及詩文若干卷

翠光亭

墨妙銷沉萬丈光
人閒流落句文香
青山不管興亡事
暖翠浮烟竟日長

泉州府志

黃野人

咸淳中戴烏方帽着鞢往來羅浮山中後度海而去

書壁

雲意不歸滄海春光欲上翠微
人間一墮千劫猶愛

梅花未歸

羅浮志

王埴

永嘉人咸淳中知縉雲縣

小蓬萊歌

僊之山兮□□僊之水兮委陀駕輕車兮□□扁
舟兮詠歌軼層巔兮□□□流兮白石楚楚上切
漢兮□□□□兮在下厓花兮春芳澗□□□□
□□澍兮縑素冰霜結兮璆琅□□□□魚鳥躍
飛兮誰使石□年兮一□三萬里兮弱水于嗟蓬萊
兮仙水是室廬世之人兮莫知其歌□□□兮披
荆纒驅虎兕兮□□□□□兮海濤白倒光景兮
□□□□□兮執華予眇流盼兮□□□□□

今壽無碧荔爲衣兮□□□□埃塹兮不可以控
搏□□□□□□□□□□處州府志

劉子薦

字貢伯吉州安福人累官經畧使參議官咸淳
末知融州宋史忠義有傳

游老君洞

第一真巖豈浪名高明洞達窈而深冠天下神仙勝
境副我生山水知音崖激湍流騰雪玉燈搖石瑩燦
星金少焉月出東山上何必蓬萊海上尋

怪怪奇奇畫不如最難得者近城郭伐僊皆遜老君

有此洞可知天下無徐甲青牛驂左侍六丁白鶴導
前驅老仙笑我來何晚一樣鬚眉一樣臞

廣西通志金石

馬廷鸞 厲有

披雲堂歌

以下五首碧梧玩芳集皆失收

凝雲壓隴如堅城猛風擊破如雄兵寒谿古洞收不
徹有如奔車白旆歸空營林稍劃劃露微碧玉匣漸
見青銅精影轉西風流日腳萬斛黃金散空落寶篋
刮盡重瞳膜例盛一海春冰薄世界傾在琉璃瓶神
豪氣爽肌骨清便欲垂羽翰飛上朝玉京不須七椀
秋江波兩腋自有清風生長憶當年玉川子慇懃會

問蒼生事

樂平縣志

老學樓

元龍高卧仲宣憂我獨叢書
置此樓把卷欣將聖賢對
憑欄遮斷古今愁
山前翠樹森雲表
林罇青秧匝
壠頭收拾吟篇供
老眼陳登王粲總悠悠

樂平縣志

盤園

雲水鄉中樓觀開
溪山好處興悠哉
平章風月歸茶鼎
管領烟霞付酒杯
吟骨已成枯鶴瘦
機心莫遣狎鷗猜
大夫整頓乾坤了
黃帽青鞋歸去來

樂平縣志

四友相陪亭爲余巖英作

誰伴幽人飽歲寒霜葩雪幹翠琅玕眼前交道如渠
少好作長年耐久看

樂平縣志

梅巖

卓哉青壁挿晴空古貌稜稜烈士風人物山川相與

重是間知有植鰭翁

樂平縣志

十月二十六日甲子

乘雲傷往歲甲子又今晨莫唱貞元曲誰爲寶慶人
前乙酉當寶慶時
家弟于是年生
早霜明帶月寒菊艷爭春敢晚昭
陵栢塢呵有鬼神

贈汪泰軒

咸淳辛未汪君對大廷一日羽服訪余固已
警余林下之思矣君輸忠萬言有司報聞余
以漕幕縻之君不可曰吾且扁舟歸謁子陵
無愧色足矣此其視聲利爲何如詩以贈之
萬言朝鳳闕一笑落漁舟把我葱珩解從公
欸段遊東來迎羽服西去羨羊裘揮手謝漢
使蒲輪公所羞德壽宮古松太上愛之嘗持
御香醺酒祠土神以祈屏蠹賊云時紹興壬
午思陵馱亮之歲也于今百二十年矣僕生
六十年後而十月八日又思陵上仙之晨感
而有賦

六龍親御奠神州甲子如今甫再周百世尙瞻虞帝
祀五傳遽抱杞天憂臣民莫廢瓜華敬今古長悲禾
黍秋歎息餘生孤露甚門弧弓棘總成愁

南來天馬總辛勤內禪經今厯再王復漢赤符還舊
宇法堯黃屋本非心思成門外衣冠盡德壽宮前茨
棘深歎息餘生孤露甚匪莪彼黍涕淋淫

又題德壽宮古松

千歲堂堂十八公雨膏露沐貯清風龍吟高嘯長生
客蠹化低催禿鬢翁誰謂蚍蜉能撼樹不堪螽賊欲
盤空御香灑酒荒荆棘腸斷孤臣泣壽宮

題趙君畫竹

與可知竹子瞻知與可知與可斯知竹矣知者無他知其直而已故子瞻之節每似之僕于蘇仙無能爲役而以與可望王孫王孫無枉其節云

霜竿操尙特幽奇直節端如正士姿高拂九霄無曲處古來唯有老天知

題芳洲詩集

芳洲黎君先朝名進士也旣屈于時益昌其詩古詩近陳子昂感遇絕句可雜半山詩選

中七言如世事莊周蝴蝶夢春愁臣甫杜鵑
詩所謂長歌之哀非耶因書此編以寓贊歎
采采芹甘不自謀殷勤直欲奉王羞可憐斜日三千
字曾獻當年十二旒

虎踞已知王氣盡鵑啼誰感威帝魂哀怪渠冊後詩清
苦曾到留都豐鎬來

碧梧玩
芳集

郭聞

字間先番禺人咸淳間知平江泣事廉明文章
古雅官至御史其卒也文文山爲文祭之

秀野亭

挿漢森森萬丈扶一亭危瞰汨江隅幽深石壁涵清
泚岑崒雲山引翠蕪變化陰晴詩作料招呼豪傑酒
爲徒客來莫擬閒居賦後有千年八陣圖

自注亭後用武侯八

陣圖法結
草廬其上

平江
縣志

孟晉

歸安人有孟之縉咸淳中知鎮江府

一作之晉

遊武夷山

昔聞仙子宅今幸過琳宮溪曲三三水山環六六峯
翠雲飛送雨白鶴舞淩風好景遊歸悅簫聲縹緲中

武夷
山志

戴泰

字見大號魯齋咸淳間任常州府學教授

戲友不識硯

古今天下多奇石甲品從來只數端
千丈割雲潭影濕一泓貯水月光寒
青瞳要辨生鵠眼紫色須求死馬肝
鼠璞易投荆璞價請君試買硯箋看

石屏詩集附錄

章鑑厲有

杭山

買得漁磯繫釣船魚龍吹浪駭鷗眠
從來白石清泉水勝似青山小洞天
浪對客吟思卻虜偶觀人奕悟

籌邊夜來風雨秋聲早一段新愁雪滿顛

義甯州志

案此詩宋詩紀事從南昌府志錄前四句

過毛竹山

一重關復一重關一步難於一步難地僻林深晴亦

溼山高風猛夏猶寒斷崖雲影掛枯樹劈澗雷聲走

怒湍不信世間陵谷變野樵偏識舊衣冠

義甯州志

杭山入景

萬箇長松覆短牆碧流深處讀書房香生石觀春雲

溼影落篝燈夜雨涼亘古陶鎔周禮樂百年嘉會宋

文章天機悟到忘言表又喜濤聲送夕陽

萬松書舍

古洞春泉一脈遙
驟施雷雨過清宵
飛湍直下三千丈
急溜橫穿十二橋
雪灑石缸瓊練碎
翠分柳樹玉花飄
曉來醉倚高樓望
疑是銀河墮碧霄

章洞春瀑

泠泠雙澗瀉秋音
萬齒溪頭奏一琴
雨後更添猿鶴操
夜寒真是水龍吟
年光送盡從朝暮
律調含來自古今
借得許由當日耳
聽頻誰不爲清心

兩澗鳴琴

達邦大道兩迢迢
金轡玲瓏匹馬驕
腰裏嘶風蹄蹠躐
驤騰掣電尾蕭騷
雄聲已騁才人德
猛氣尤思大將驍
鳳臆龍髯誰可並
郭家獅子着先朝

雙鬬嘶馬

內史名題古釣臺
高風凜凜勢崔嵬
晚烟楊柳垂青

縷春雨桃花點綠苔百尺絲綸波蕩漾一宗詩派水

滌洄何時來借閒燈覽滌盡塵襟萬斛埃

石觀
釣臺

一邦佳景萃峯頭宇宙鍾靈自有由銀竹霏霏山氣

盛火輪顚顚水光浮年逢旱澇他方苦世際豐穰此

處優瞻望巍峩殊不遠登臨彷彿帝王州

板嶺
雲霞

昔賢曾此著名香地位雙清四座涼吹送幾多攀桂

客照來無數探花郎光浮盞面龍鱗動聲透琴心兔

魄揚爽我襟期明我德步蟾擬駕大鵬翔

涼亭
風月

同雲收盡日瞳瞳曉霽分明見九宮百里遠排銀筆

架半峯高疊玉屏風螺鬟矗矗深藏翠石劍稜稜欲

露鋒縱使丹青施妙手難將寫入畫圖中 九宮霽雪

義甯
州志

江心宇

字虛白號天多婺源人咸淳中著杜詩章旨六

卷

三禽言

我友我友鞠衣黃裳一日不見爾何所翔爾何所藏
飛鳴高樹去毋也不忘噫高樹如何噫綠陰正多噫
右鶯

燕燕尾不齊撇裂侵泥滓翻飛烟雨裏轉眼朱門委

榛杞權門如市止復止天際翻飛鷹斂翅

右燕

布布穀哺哺雛雨苦苦去去乎吾苦苦吾苦苦吾顧
吾姑 右鳩 新安文獻志

俞听

字菊坡咸淳時人

龔菊巖房清境堂卽事

物外神仙窟巾車爲小停一泓寒玉境四面翠微屏
清境詩無盡紅塵眼頓醒我來謀此住把酒問山靈
洞霄詩集五

胡大用

字肯堂咸淳中人

題榕陰圖

伯父竹林先生因濟耶獄貶象郡其在貶所嘗
坐榕陰對爐薰賦詠自適大端弟筆以成圖
久矣今上嘉其忠烈賜謚剛簡豈勝存歿之
光亟欲鑱此圖以貽無窮顧力有所未逮且
依先生自述韻拜贗一律以俟云

權臣擅命久心傷賊主之兒意未涼今日封章期救
死明朝削籍自投荒九重偶眩誣賢舌四海皆知疾
惡腸事久劃逢天一笑錫知剛簡易名香

見象臺
首末

徐應鑣

字巨翁江山人咸淳末太學生德祐二年宋亡
與其子琦崧女元娘入梯雲樓自焚宋史有傳
絕命詞

二男并一女隨我上梯雲烈士甘焚死丹心照紫雲
江山縣志

李祐孫

咸淳間廣平人

乙卯冬侍叔父赴零陵郡次年元旦舟泊涪
溪嘗和館人韻後十五年咸淳己巳復於元

旦寓宿焉感慨之餘追憶前和因書于獨有堂

明皇何以致顛口林甫國忠成禍基妃子良心猶不悞此機惟有九齡知

浯溪崖石與天齊兩刻中興大業碑北向口口垂白

叟百年不見漢宮儀

湖南通志金石畧

楊癭兵

咸淳時崇安人

望仙鋪

龍叟操盆婦絮羹喜聞官至出相迎兩三家自爲隣

里一半田皆無主名

崇安縣志

翁汝正

咸淳時崇安人

黃亭舖

落日荒荒下遠蕪市橋官柳綠扶疏沙頭一霎腥風

起沽酒老翁卻賣魚

崇安縣志

門下士烏程縣學生員李延達校

宋詩紀事補遺卷七十七終

宋詩紀事補遺卷之七十八

歸安陸心源伯剛父輯

安寶

字子仁崇安下梅里人師事熊禾不得理學宗旨
三試南宮不第乃絕意仕進聚徒講學於里中

句

竹林夜雨共清話草閣春晴理太玄

句

弱柳風含官舍靜寒枝懸月女牆低

崇安縣志

中奢鋪

古樹斜陽噪暮鴉
小橋流水有人家
青帘白酒招行客
一路東風野菜花

崇安縣志

安麀

咸淳時崇安人

舉富鋪

漠漠烟橫草樹青
依稀風景似蘭亭
小橋疏竹人沽酒
曲徑落花僧掩扃

崇安縣志

江梅

咸淳時崇安人

新陽鋪

梅花籬落菜花畦春水平田釀燕泥健事老翁頭雪

白一簑烟雨自扶犁

崇安縣志

彭可軒

咸淳時崇安人

楊莊鋪

芳草迢迢去路垂楊脉脉長亭野渡半篙水碧斜陽

數點山青

崇安縣志

翁賜坡

咸淳時崇安人

梅溪舖

村北村南春水山前山後人家野渡何處飛雨流出

碧桃數花

崇安縣志

彭九成

咸淳時崇安人

界牌舖

地僻人家早掩關行人忙逐暮鴉還急風花落隔牆

樹暗雨烏啼何處山

崇安縣志

李次淵

咸淳時崇安人

乾溪舖

蘆芽抽盡柳花黃
水滿田頭未插秧
客裡不知春事晚
舉頭驚見棟花香

分水舖

青山北去連吳會
綠水東流到八閩
何必此中分界

限普天率土盡王臣

崇安縣志

趙德綸

咸淳時清江人

澹山岩

岩扃二里鎖煙霏天下名山此本稀
硬石穿空誰運斧寒泉滴雪欲添衣
仙遊塵外杜蘿老身住山間筍蕨肥
自歎微官猶縛我倘容卜築定忘歸

零陵縣志金石

魏梅我

咸淳時崇安人

大安鋪

又望前村里深溪快渡槎牛羊半山塢
鷄犬幾人家

崇安縣志

范師孔

咸淳時崇安人

小巖鋪

一路徑行處盤溪繞僻原蜂喧花外塢犬吠竹邊門

崇安縣志

范雲山

咸淳時崇安人

興田鋪

曲坡行盡處雞犬兩三家十里長亭路青山道正賒

崇安縣志

鄧希世

字德父湖南平江人

遊道巖觀有引

咸淳辛未良日庚申予偕里人方震父鄱陽
胡濟可趙惟學來遊講太極圖說因以詩紀
歲月云

乘雲不到玉皇家巖上仙桃幾度花今日喜偕三益
友看來丹竈煉黃芽

石敲新火煮雲腴細講濂溪太極圖此去不知千載
後有人來講此圖無

沅湘耆舊傳

汪暉

字處微績溪人性至孝爲時碩儒郡守袁甫欲

見之以編氓辭西山真公嘗以逸民論薦不果
卒邑令及三老士人會于學宮私謚曰康範先
生德祐元年特贈通直郎所編有曾子十二篇
子思子九篇詩文曰環谷存稿

次韻晚春夾溪閒行

出郭知春晚陰陰綠滿川小橋橫桺杙斜柳拂淪漣
風急低雙燕林幽噪一鵲酴醾破香蘂孤絕殿羣妍
遊翠眉用蘇黃門舊韻

黛拂蛾眉兩月彎虛亭着與小三間吾翁先見如樗
里此老遺思比峴山千仞遠峯和我瘦一庭芳草伴

春閒登臨涕落當年事不見仙人玉雪顏

感興四首

暑往寒來如電泡年年門外閑花草世事紛紛自顛倒
青山眼底最多情日日向人渾不老

膠擾浮生事若麻世路崎嶇易覆車爭如清淨山人家
靜觀撫掌付一笑出戶簌簌飛松花

一樹雪花白如玉辛夷爲車荷爲屋閒中享此亦清福
一雙沙禽竹上啼對客取琴彈一曲

坐讀南華一卷經富貴百年如郵亭人生怒癭空成
瓶香鑪縷烟風浩蕩白鳥點破前山青

以上新安
文獻志

江萬里 鴈有

和瑞雪

臘前宜雪而雪爲瑞近南之地不常有雪而雪則尤瑞也今日正欠詩客賦詩幸因來韻續之亦可以成故事矣

與天通處在人和未有人和天薦瘳消息連朝來玉關川原滿眼盡銀河坡書已得歐公體力士宜尊太白靴人物于今如越雪欲令慣見不嫌多

截江網

勸農

農豈猶需我勸農且從人意卜年豐喜聞布穀聲聲

急莫爲催科處處窮父老來前吾語汝官民相近古
遺風欲知太守樂其樂樂在田家歡笑中

王勝之

盱人

絕句

蛙鼓鳴時月滿川斷螢飛處草迷烟敲門欲向田家
宿猶有青燈人未眠

浩然齋雅談盱人王勝
之詩云云殊有思致

張樞 鴈有

宮詞十首

堯殿融春大宴開
山呼纔了樂聲催
侍臣宣勸君恩重
宰相親王對舉盃

觀堂鐘響待催班
步入朱廊十二間
宣坐賜茶開講席
花磚咫尺對天顏

月籠梅影夜深時
白玉排簫索獨吹
傳得官家暗宣賜
黃金約臂翠花枝

翠枝斜插滴金花
特髻低蟠貼水荷
應奉人多宣喚少
海棠花下看飛梭

笙歌散後歸深院
花柳陰中過曲廊
靜掩金鋪三十六
黃昏處處藝衙香

燦錦堂西過夕陽水風吹起芰荷香內監催掃池邊
地準備官家納晚涼

晚涼開院近中秋香染金風倚桂樓花月新篇初唱
徹內人傳旨索歌頭

原注穆陵
製花月篇

銀簧乍罷參差竹玉軸新調只合絃奏罷六么花十
八水晶簾底賜金錢

迴廊隔樹簾簾捲曲水穿橋路路通禁漏滴斜花外
日御香薰煖柳邊風

紫閣深嚴邃殿西書林飛白揭宸奎黃封繳進昇平

奏直筆夫人看內批

浩然齋
雅談

余觀復 鴈有

讀柴桑集

游心太古初得句萬物表平生一樽酒寂寞三徑小
有琴不張絃正以知音少伊子揖殘芳道心炯相照
北窗清夢長山間自啼鳥吾欲問先生天闊白雲杳

木犀

盤盤老桂樹金屑黃鬣鬆孕此無盡香襲襲乘西風
幽人爲延伫古意滋無窮王孫招不來西郊草蒙茸
欲以遺遠者道阻嗟難從馨香不忍替攬之寄房櫳
夢魂恍而清夜午超鴻濛恐常芳氣歇我恨何時終

王士敏

吉州太和人德祐乙亥江西諸郡旣降明年士敏與鍼匠劉世超聚兵興復兵敗世超縊死嚼血書石云生爲趙民死爲趙鬼赤心報國一死足矣士敏入獄書詩於裾竟死獄中

宋史附劉士昭傳

入獄

此行無復望生還一死都歸談笑間大地皆爲腥血染好收吾骨首陽山

昭忠錄

徐崧

應鑣子德祐進士宋亡與應鑣同死

絕命詩

成仁取義在於斯一死君恩報未遲
杲日留空存正氣狂瀾砥柱起常彝
孔明未復中原鼎鵬舉空舉二帝旂
可恨奸回移宋祚闔門厲鬼泣秦師

江山縣志

徐琦

應鑣次子德祐進士宋亡同死

絕命詩

每說天兵出守疆忽聞勁敵犯睢陽
火焚郡邑人民苦血染江淮鬼物傷
忠報君恩名不朽孝隨親死義難忘
皇天后土宜知鑒白日英魂照劍光

江山縣志

李士會

字有元樂平人少慧敏力學汎極古今予史百家而歸宿於六經文軌先秦兩漢以樂平起漢建安迄宋德祐上下千載無紀事者由是專意邑乘聞前輩能道邑中前事不憚百里往咨之楊簡曹彥約俱常尹是邑遺愛在民心則走江浙訪及子孫盡得其當時施設政教之故實風鈔雪纂成樂平廣記三十卷邑人物始有據待制李燾稱其紀述備考覈精筆削嚴可方古史云

薛家塘

自古殺忠良多用巧巾傷不驅飛作鬼那得檜封王
有士冤狂狴無辜忤廟堂至今流斥地人說薛家塘

樂平
縣志

長樂舊縣

千古空傳長樂溪誰知樂極已生悲妻烟斷磴視家
市落日荒城柳尹祠上起何年無信史中更鉅變有
殘碑青峯峯下躊躇意說與時人未必知

樂平
縣志

過戴村

人民城郭望中非從此西遷更向西曾是萬家雄井

邑依然一帶好山溪津無斷鎖沈江渚寺有殘鐘委
草泥碑碣更隨年月換興亡往事向誰稽

江西詩徵

王侃

字仲和知漳浦縣終通判福州

鴈爪花

宿蔓盤根悉剪夷只留庭下雪霜枝史君第一憎貪

攫豈是蒼鷹露爪時

輿地紀勝

劉玉真

廣東文選作劉玉

東莞人景炎末熊飛兵敗避亂鄉曲入元不仕

贈內

春風休記舊繁華舉案園林樂事賒月引池光歸座
榻雲含花氣入窗紗鹿門本是龐公宅栗里誰尋舊
令家相對莫論終歲計酒狂詩癖自生涯

粵詩
蒐逸

劉宗

東莞人

書懷

東莞縣志作
致喜亭詠懷

天末涼風吹白雲漸看長晝少炎氛滿庭慈竹秋陰
合夾岸枯荷夜雨聞漂泊鄉關新避寇荒唐客夢舊
從軍起來極目西山望故里松楸悵夕曛

粵詩
蒐逸

陳公榮

字子華長樂縣人景炎元年元兵入寇公榮破
產募兵與文天祥共圖興復授福清知縣

挽族子老成

邊城將星落浩蕩烟塵黃我亦在行陣生死未可量
涕滂感永訣激烈摧肝腸昔爾仗雄劍志在清八荒
神武埒頗牧奇計如平良遇賊奮英果逐殺何其強
氣數乘人事竟向鋒刃僵忠魂薄日月耿耿萬古光
雖云獲死所國恥猶未忘便應作厲鬼虜酋罄殺傷

全閩詩話公榮初遊太學景炎元年同子
宗傳族子老成募兵勤王蒲壽庚作亂泉
州幼帝舟自泉趨潮逾年張世傑會師討
壽庚公榮兵赴之老成戰沒詔贈御史臺

簡法公榮挽
老成詩云

陳宗傳

長樂縣人公榮子蒲壽庚以城降元宗傳隨公
榮討之戰死事聞贈提刑簡法

軍中行
景炎初募兵勤王作

胡馬出幽燕風塵起北陬天兵偶不利王氣黯然收
六龍守沙漠誰復爲報仇耿耿孤臣衷長懷麥秀憂
回首望京闕血淚相和流安得眾猛士盡如穰苴儔
戮力共廝殺梟取可汗頭掃清犬羊羣釐復舊神州
奇功勒燕石芳名播千秋

長樂縣志

馬南寶

厲有

香山入景元二年瑞宗航海過邑獻粟千石拜
權工部侍郎宋亡後莫知所終

感賦

一作弔祥興帝廣州府志作哭祥興帝

翔龍宮殿已蓬飄此日傷心萬國朝
目擊崖門天地改寸心難與夜潮消

黃屋匡扶事已非遺黎空自淚沾衣
眾星耿耿滄溟底恨不同歸一少微

案宋詩紀事載此僅四句蓋從廣東通志中錄出者又云宋亡於崖山被執死之不知何

據

遊元興寺

坐閭人間幾劫灰試從清淺問蓬萊此山此水自古
有是佛是仙何處來

粵詩
蒐逸

鄧剡 厲有

至烏巖山贈趙承節

草草茅茨桷數椽雞鳴犬吠白雲邊此山此水前無
古能酒能詩亦是仙奩鏡曉開林外海佩環夜落月
中泉彈餘棋局聽樵斧猶恐還家不記年

書烏巖山

歲云暮矣可奈何雲愁雨溼陰風多林壑摧殘海驚

波慘淡一色無山河哀鳴嗷嗷舊枝柯飛矢不容愁

虞羅深山短景一鳥過會看明年風日和

廣東通志山川畧

羅公升 厲有

絕句

吟膝從軍瘦生涯出仕空山中破茅屋日日是秋風
水旱關何事兵凶孰汝憐但尋師辟穀莫誤客求田
本是山林物中間一念差稻粱今懶種況乃種桃花

送歸使絕句

梁楚連天闊江湖接海浮故人相憶夜風雨定何州

所聞

試問南來雁何時戰馬閑古聞侵柳塞今見入梅關
南海潮方怒西江士不還淒涼廣州婦萬里沒燕山

秋望

遠樹嵐煙合孤村落照橫江從前日濁山似去年青
暝色鴉分去羈愁蜚說成乾坤久蕭瑟消息聽鴻聲

送劉玉田道判歸山

詩工窮鬼妬貌古俗人譏達士何榮辱閑官更是非
面無三已愠身帶一癭歸已試囊中法春田玉自肥

寄蕭高風

義氣凌秋日高懷亘海雲古人如取友天下獨逢君

暑退顏何似書疏夢卻勤木瓜何以報明月爲君分

世故

世故年年別人煙處處非詩從出山俗客已及門稀
凱入猶聞警場登更苦飢乾坤多事在未許製荷衣

戍婦

夫戍關西妾在東東西何處望相從只應兩處秋宵
夢萬一關頭得暫逢

春晚

人在幽窗柳在闌樓頭杜宇一聲殘夢魂驚斷梨花
月寂寞五更風雨寒

溪上

往歲貪奇覽今年遂考盤門前溪一髮我作五湖看

陵州

五月征襄路五千長安疑在北辰邊故園歸夢西風冷明日陵州正覓船

有感

車騎將軍結束新長安那記昔年身南來盡是干名者無復平陽下淚人

旌德寺靜雲亭

巖壑幽幽竹樹青山泉鳴處看雲生蒼苔不沒摩崖

字留與遊人唾姓名

菩提寺

一晦方池幾劫灰
哭聲未了笑聲催
六橋煙柳相逢處
半是菩提拭淚來

發湖州

秋色頻於客鬢加
歸期猶自歎無涯
行纏贖欠江湖債
未著袈裟已出家

靈巖寺

石門木老勢杈枒
曾見吳娃擁翠華
底事秦宮與唐苑
百年多屬梵王家

感懷

自緣幾世弃君平
寧爲蓴鱸憶季鷹
不識將軍何用揖
元非進士底須稱
歸尋城郭渾如鶴
只欠袈裟便是僧
書冊至今成糞土
夜窗猶對短檠燈

胡山人隱居

幽人不管興亡事
贏得三年只下簾
居介兩山今李愿
園開三徑古陶潛
傳家書已爲兒計
種秫田應爲客添
要與山人結緣去
一邱分我卜茅檐

九日書懷

木落湖山萬葉黃
亂愁深處見重陽
絺衣只慣詩人

體酒盞全乖病客腸只道事隨人意改如何花作舊
時香孤樓不作還家夢卧聽松風響夜長

蛾眉亭

萬里風濤競擊撞乾坤設險鍵南邦五更畫角三州
夢兩岸青山四面窗太白風流空舊月虞公勲業自
長江倚闌何物堪持玩萬頃煙波鷺一雙

山背道中

是閒定可著吾家流水深林一逕斜天下獨清惟雪
色客中舊識是梅花妍媸顛倒驚時事戰伐紛紜老
歲華風雨窮山爲誰苦故人何處岸烏紗

秋夕

客散燭亦盡明月共寂寥三生東華夢歲晚依僧寮
秋宵豈不涼客心自如燒循檐耿無寐顧影空蕭蕭
道傍古樟有竹附焉可發一歎

古樟蟠山間垂蔭翳我里歲久或反常邨童祭爲鬼
大穴藏精靈小隙竄蛇虺嘗聞有驚霆按抉破根抵
竹我君子徒冰霜凜在齒胡爲事鑽刺蟠屈嶽巖裏
乾坤亦廣大朽木烏足恃托身一失所萬水難復洗
松梅各相弔爲我二友恥去去非吾徒偷生不如死
抵舍一夕復行途中遣懷

乾坤本無邊我命自荆棘去住風濤中生死無消息
茲晨夢中歸真幻竟莫測形聲各已改老稚不我識
一燈話清涼喜極淚始滴出門動經年還合甫次昔
云胡作驚鷗又復告行役雨聲挾離思春晚作秋色
暮山試回首上有雲氣白長天眼力短此意幾悽測

觀碁

秋風動江皋吹落鷗鷺影先生江湖心收作目中景
庭深樹陰好門掩禽語靜一聲寂寞中恍若隔人境
胸中兵十萬臨敵暇且整斂之塞成皋縱去舉鄢郢
僕方棲會稽蹇足未得騁中原儻相逢亦有憑軾請

看書有感

齟齬趨庭日眞期萬里程開編十行下刻燭五言成
頗笑阿時學方懷覽古情祇言如昨日不悟已前生
客裏餘長缺忙中負短檠舊言如遠客新卷卽生兵
文武終何執行藏雨未明空餘清夜夢時作讀書聲

秋懷

歸輿穿翠微夜久樹益蒼海澹浴清波吐此林表光
今宵衣上露明日履下霜兒童不知此且喜今夕涼
風林忽響答似識予心腸

感舊

逝水日已遠愈覺別恨重歲月不可留又已聞鳴蜚
故衣餘手澤見肘未忍縫遙知春去後飛花散無蹤
遊魂定何依馬蹄隔千峯誰與持麥飯一灑冢上松
憑高酬觴酒聊以寫我胸彭殤同所歸百歲還相逢
但留一寸心不愧三尺封

戲蕭高風曾孟聲二友

丹鳳辭舊棲四海求其凰偶來梧竹間振翮鳴朝陽
眾禽不自揣競欲依餘光神物要自珍微羽那足當
了知霄漢姿不集灌莽場所憂燕雀雜坐更鴻鵠藏
丹山有佳侶足以陪雙翔人間勿爲留歸哉白雲鄉

飛鴻響遙空抱弋空遺影游鱗縱前川把釣睨枯井
相看各如夢欲去幾延頸勞心縱有獲所獲僅鼃鼃
行人見之笑干喚不一省滄溟四無邊盡納天地境
巨鼇載三山未足污吾綆相顧作清遊擢足壺嶠頂
散慵

散慵陟嵐嶺恰與落日平天秋萬宇澹盡見山水情
遙煙破眾寂危花疑月明川原自瀟灑衣袂皆風聲
鑒空識本性憑高失平生蒼然暮色合興盡心復驚

曉起

危柯早得秋羈鶴易知曉幽人帶星起古木叫孤鳥

簾影一丈高。曙色萬里杳。人稀蒼茫內。樹立浩蕩表。
安知南征雲。不自厭紛擾。秋光接巖氣。終覺風味少。
紅矜木芙蓉。麗白惜渚蓮。天觀妄眼已空。觸物思還悄。
賀公豈真狂。有激或成矯。歸登神聖臺。一笑萬緣了。

夜月懷超然故臺

中宵雨聲歇。好月滿我屋。開門四無人。老樹立於獨。
巡檐不成寐。送影過牆竹。賞弄情未央。矮屋礙遠目。
故山有層臺。千里曠遊矚。主人三年別。坐使萬瓦覆。
鵬程本逍遙。蟻穴自羈束。乾坤有興廢。豈必善者福。
是身且非我。而況土與木。但聽雍門彈。勿效孟嘗哭。

冬至

窮冬乃常煥庭礎上雲氣索居其誰語煮藥作冬至
客來寄枯棊客去玩奇字是中卽了我自得在不智
偷生輕日月長短亦何計惟應開闢事頗得大易意
門前鳴騶急窗外飛雨細雲物吾不知曉枕一覺睡
從軍留別天逸

一閑五千日功德高於山如何天不惜驅向金革間
妖血醒人飢馬足愁險艱今宵觴詠處已帶風雲顏
皇穹未厭亂肯放兩腳閑東海遯山湖廬峯定天關
卽往不可留我去何當還後夜夢君時哀笳鬢成斑

從軍興平

廢墟起寒煙飢鼠意自妥十年行腳處重到無一可
乾坤鍾厄會推擇乃及我東皋雨犁手長戟三歲荷
治絲慚益焚杯水不救火窮山高馬齒華屋實野果
平生疏懶報歲晚困羈鎖有如醉行人日暮路益左
未須說神仙大福在無禍但當求蒲團不復夢猿坐

喜雨

三更飽甘雨翛然涼意秋驚霆駕風至氣欲掀我樓
溟濛劃軒豁稻隴如潑油兵凶歲相仍糟糠甚珍羞
天公一反手少緩帶續謀諸賢自蒿目百晦真吾憂

有念

方招東渚鬼又送北阡窆交遊亦餘幾日覺眼中欠
向來所憎者一一皆可念憂愁鬢先霜形影吾自厭
春華已零落秋木豈陽艷緬懷郢人質徒挂季子劍

納涼

氣至暑固當境寂涼自生天河白如水夜久山更明
古樹有莊色新泉入幽聽逃空空快事喪虎不可停
飛螢過屋頂一落如流星

秋日有感

桂花無主亦清秋蕎麥爲誰先白頭螢不照身常隱

見鷗無求世事沈浮

再如吳門

地凍江空雁不飛孤帆何事又乘危更無殘雪山陰
興漫有窮冬蜀道詩自笑大瓢長漉落可辭羣鳥議
瑕疵吳門市隱非梁籍名姓寧須假手知

以上江西詩徵

吳文忠

宋末淳安人

嵩山下至德祠

脫蹤岐陽迹已幽默全忠孝復何求文身幸獲辭姬
祚端委猶能化列候無語存商先叩馬有心迂命待

歸牛象賢再見延陵季十字碑題至德侔
志 湍安

門下士烏程縣學生員李延達校
宋詩紀事補遺卷七十八終